



LIPOTI MO LE FONO AOAQ FAITULAFONO

**“Tulafono Tau Faaofi o Tualumaga Tau
Soligatulafono 2015”**

**Komiti o Mataupu Tau Faamasinoga,
Leoleo ma Falepuipui,
ma Faamasinoga o Fanua ma Suafa**

1. **FAUTUAGA:**

E fautuaina e le Komiti o Mataupu Tau Faamasinoga, Leoleo & Falepuipui ma Faamasinoga o Fanua & Suafa ina ia faautagia lana Lipoti.

2. **TULAFONO TAU FAAOFI NA ILOILOINA:**

(Tuuina atu 22/3/2015)

Tulafono Tau Faaofi o Taulumaga Tau Soligatulafono 2015.

Na iloiloina e le Komiti o Mataupu Tau Faamasinoga, Leoleo & Falepuipui ma Faamasinoga o Fanua & Suafa¹ le Tulafono Tau Faaofi o Taulumaga Tau Soligatulafono 2015, e tusa ai ma le Faatonuga na tuuina mai e le Fono Aoao Faitulafono i le aso 22 Aperila 2015.

3. **TAUALUMAGA:**

Na valaauina e le Komiti le mamalu o le atunuu e ala i se faasalalauga faalauaitete i luga o le Televisi (S.Q.B TV 1) ma le leitio faasalalau a le Faalapotopotoga o Faasalalauga (2AP) mo ni finagalo faaalua po o ni finagalo tusitusia e faatatau i lenei Tulafono Tau Faaofi. Peitai e leai lava se isi na faaalua sona finagalo pe tuuina mai se finagalo tusitusia e faatatau i lenei Tulafono Tau Faaofi.

Na tapa e le Komiti le fesoasoani a i latou nei a o faagasolo ana iloiloiga.

FESOASOANI (T.T.156)

Ofisa o le Loia Sili

Tuatagaloa Aumua Ming C Leung Wai - Loia Sili

Siovia Liu - Loia a le Malo

Matagaluega o Faamasinoga ma Pulega Tau Faamasinoga:

Masinalupe Tusipa Masinalupe - Ofisa Sili o Pulega

¹ Tulafono Tumau 173, TUISA Tasi Patea, AFOAFOUVALE John Moors, LAFATELE Patrick Leiatuaalesa, LENATAI Victor Faafoi Tamapua, PAPALII Li'o Taeu Faavaivaomanu Masipau, LEFAU Harry Schuster ma TAPUAI Toese Ah Sam.

Li'o Heinrich.W. Siemsen - Ofisa Sili Lagolago o Pulega
*Vaega o Faamasinoga o
 Solitulafono ma Feseeseaiga
 Lautele*

Sosaiete o Loia a Samoa:

Savalenoa Mareva Betham-Annandale - Peresetene
 Rosella Viane Papalii - Sui Peresetene
 Leota Ray Schuster - Sui o le Sosaiete
 Leota Tima Leavai - Sui o le Sosaiete
 Edelma Niumata - Sui o le Sosaiete

4. SAILIILIGA:

I le faagasologa o taualumaga a le Komiti, na tapa ai se fesoasoani mai le Ofisa o le Loia Sili i le iloiloina o vaega taitasi o le Tulafono Tau Faaofi. Na taua e le Ofisa le faamoemoe o lenei Tulafono Tau Faaofi, ina ia soloia ai le Tulafono o Tualumaga Tau Soligatulafono 1972. O lea tulaga ina ia taumafai ai e faataatia taualumaga tau soligatulafono i se tulaga faaneionapo e pei ona faatautaia i totonu o isi puleaga faa-faamasinoga. Na maua e le Komiti le toefuataina o lenei tulafono, o loo aofia ai aiaiga e faasino i le tatalaina i tua, lea e le o atoatoa i lalo o le Tulafono o iai i le taimi nei. E faapea foi le suia o tulafono faafoe e faasino i faamasinoga i le itu i Faatonu, ina ia faapea ona faatoa faaaogaina lava i soligatulafono e mafai ona faasalaina i le solo atoa i le falepuipui. Peitai, e lē noatia ai le tuuina atu e le tagata tetee se faasilasilaga ina ia faamasinoina e se Faamasino na o ia lava, mo soligatulafono tau nakoti po o i luga o se talosaga a lē o faia le moliaga.

O nisi o suiga taua e aofia ai le faaofiina o se taualumaga fou i faamasinoga i totonu o le Faamasinoga Sili e ala i le faatoai atu o pepa aloaia o le moliaga e le Loia Sili. O lea tulaga o le a puipuia ma faamalasia ai foi puleaga faa-

faamasinoga a le Faamasinoga Sili e fofogaina ai na o mataupu tau solitulafono matuia, seia vagana ai ua ia taliaina se puleaga faa-faamasinoga e faasino i se faamasinoga ua faaliliuina mai i le Faamasinoga Faa-Itumalo. Na maua ai foi e le Komiti le faamaninoina ma le faamalosia e lenei Tulafono Tau Faaofi, puleaga faa-faamasinoga a Faamasinoga Faa-Itumalo ma Faamasino Fesoasoani.

Na maua e le Komiti mai folasaga a le Ofisa o le Loia Sili e faapea ua 43 tausaga talu na le'i toe faafouina lenei tulafono tau faaofi ma ua faafia foi ona teuteuina i le tele o vaega. Peitai, o lenei suiga ua faia mo se vaega o faiga faa-faamasinoga aua ua faataatia foi nisi o tulafono tau faaofi i luma o le Palemene e aofia ai le Tulafono Tau Faaofi o Faamatalaga Molimau 2015, Tulafono Tau Faaofi o Faasalaga 2015 ma le Tulafono Tau Faaofi o Faamasinoga Faaitumalo 2015. Ma o Tulafono Tau Faaofi nei o loo aiaia ai nisi o mataupu e fesootei ma vaega sa i le Tulafono o iai i le taimi nei. A o lenei tulafono tau faaofi o le a faamoemoe tasi lava i tulaga tau taualumaga, e ao ona mulimulitaia e lē o faia le moliaga poo se tagata tetee i taimi ao le'i amataina taualumaga poo taimi foi ua amatalia ai taualumaga tau solitulafono.

4.1. Faamatalaga Tusitusia

I le faagasologa o iloiloga a le Komiti, na laga ai i nisi o faamatalaga tusitusia ni mataupu taua e faasino i le tulafono tau faaofi e tusa ai ma iloiloga totoa ma le Ofisa o le Loia Sili. Na maua ai e le Komiti, o nisi o mataupu nei ua aofia uma ma aiaia i totonu o isi tulafono tau faaofi e pei o le Tulafono Tau Faaofi o Faamatalaga Molimau 2015 ma le Tulafono Tau Faaofi o Faasalaga 2015. Ma e pei ona matauina, o nei tulafono tau faaofi ua i luma uma o le Palemene ma tuuina atu mo le faatautaia o iloiloga a Komiti Faa-Palemene.

5. ILOILOGA AUILIILI O LE TULAFONO TAU FAAOFI:

I le iloiloaina auiliili o lenei Tulafono Tau Faaofi i ona Fuaiupu taitasi, ua faamalieina le Komiti ma o lo o talafeagai aiaiga uma e pei ona faatulaga mai vagana ai teuteuga i fuaiupu o loo taua i lalo:

A. **Fuaiupu 5(2):**

Mo upu “lima (5) tausaga” ia suia i upu “fitu (7) tausaga”, ma ia faitauina ai le fuaiupu 5(2) e faapea;

Fuaiupu 5(2)

(2) Afai o le tagata ua faamaonia sona moliaga i se soligatulafono po o ni soligatulafono i so o se tualumaga na faaliliuina atu i lalo o lenei fuaiupu, o le Faamasino na tauaveina le faamasinoga, i se tuusaunoaga i le faafuaiupu (1)(b), e mafai ona ia faasalaina le tagata tetee i le nofosala i le falepuipui mo se vaitaimi e sili atu i lo le lua (2) tausaga, peitai e lē mafai ona faasalaina le tagata tetee i le sili atu i lo le **fitu (7) tausaga** i le falepuipui.

Mafuaaga:

la ogatasi ma tulaga o le faatupulaia o puleaga faa-faamasinoga i lalo o le Tulafono Tau Faaofi o Faamasinoga Faaitumalo 2015.

B. **Fuaiupu 5:**

la faaofi le Fuaiupu 5A fou;

5A. Malosiaga e faasee atu ai tualumaga i le Faamasinoga Faaitumalo mo polokalame o le toefuataiga - (1) E avea ai ma tuusaunoaga i le fuaiupu 4, e mafai e se Faamasino o le Faamasinoga Sili i le maea ai ona ia fofogaina le faafoe moliaga ma le tagata ua tetee, ona ia faatonuina e faapea, o le a faasee atu le faasalaga po o nisi itu e faailoa ai le faaiuga lea na tatau ona faia i le Faamasinoga Sili, i le Faamasinoga Faaitumalo pe afai:

(a) o le tagata tetee —

(i) ua ia tautino lona tausalaina; ma

(ii) e ono talafeagai ma se polokalame o le toefuataiga i le Faamasinoga Faaitumalo; ma

(b) ua faamalieina le Faamasino o le Faamasinoga Sili e faapea, e ui lava i le maualuga o le faasalaga mo le soligatulafono, o le

faasalaga o le a faaeeina atu, i le amanaia ai o itu lelei o le faamaeaina ai o le polokalame o le toefuataiga, o se faasalaga e tuli i nuu ma afioaga.

(2) Afai o le tagata tetee:

(a) ua maea lelei ona ia auai i le polokalame o le toefuataiga, e mafai e le Faamasino o le Faamasinoga Faaitumalo ona faasalaina o ia e tusa ai ma lona malosiaga e faia ai faasalaga; poo

(b) le lē mafai ona faamaeaina o le polokalame o le toefuataiga, e ao i le Faamasino o le Faamasinoga Faaitumalo ona toe faasee atu le mataupu i le Faamasinoga Sili mo le faasalaga.

(3) E mafai e le Faamasino Sili ona faia Faaiuga mo le tuuina atu o taiala ma taualumaga mo polokalame o le toefuataiga.

(4) I totonu o lenei fuaiupu, “polokalame o le toefuataiga” o lona uiga o le polokalame toefuataiga e mataitu e le faamasinoga, tauaveina e le Faamasinoga Faaitumalo mo se tagata tetee ina ia tusa ai ma lenei fuaiupu.

Mafuaaga o le Teuteuga:

Ina ia aloaia ai le Polokalame o le Ava ma Fualaa Faasaina a le Faamasinoga Faaitumalo (“DCAD”), e avanoa ai tagata tetee agavaa, e tauaveina le DCAD, ma i latou e mafai ona faasalaina e se Faamasino o le Faamasinoga Faaitumalo i galuega e faatino i nuu ma afioaga pe afai e maea lelei ona latou faatinoina le DCAD.

C. Fuaiupu 12(1)(a):

Mo upu “lima (5) tausaga” ia suia i upu “fitu (7) tausaga”, ma ia faitauina ai le fuaiupu 12(1)(a) e faapea;

Fuaiupu 12(1)(a)

(1) I le avea ai o se tuusaunoaga i le Tulafono mo Tupulaga Talavou Solitulafono 2007, i luga o se Talosaga a le tagata faafoe moliaga, e mafai e se Faamasinoga mo Tupulaga Talavou ona faaliliuina atu le faamasinoga o se tamaitiiti i:

(a) le Faamasinoga Sili, pe afai o le soligatulafono ua molia ai e mafai ona faasalaina i le nofosala i le falepuipui mo le sili atu i lo le **fitu (7) tausaga**; po o

Mafuaaga:

Ia ogatasi ma tulaga o le faatupulaia o puleaga faa-faamasinoga i lalo o le Tulafono Tau Faaofi o Faamasinoga Faaitumalo 2015.

D. Fuaiupu 111(2)(b)(ii):

Mo upu “lima (5) tausaga” ia suia i upu “fitu (7) tausaga”, ma ia faitauina ai le fuaiupu 111(2)(b)(ii) e faapea;

Fuaiupu 111(2)(b)(ii)

(2) E mafai e le Resitara ona faatino malosiaga ua faaee atu i ai e le faafuaiupu (1) ina ia faia ai se poloaiga pe afai:

(a) o lē ua tagi e le o tetee; ma

(b) o le soligatulafono lea ua molia ai lē ua tetee -

(i) e lē ono faasalaina i le nofosala i le falepuipui; po o

(ii) e ono faasalaina e ala i le nofosala i le falepuipui mo se vaitaimi e lē sili atu i lo le **fitu (7) tausaga**.

Mafuaaga:

Ia ogatasi ma tulaga o le faatupulaia o puleaga faa-faamasinoga i lalo o le Tulafono Tau Faaofi o Faamasinoga Faaitumalo 2015.

6. IUGAFONO:

I le maea ai o iloiloga auiliili, na faaiugafonoina ai e le Komiti;

Ina ia faagasolo le Tulafono Tau Faaofi o Tausalumaga Tau Soligatulafono 2015 faatasi ai ma teuteuga.

SUI O LE KOMITI:

Tofa TUISA Tasi Patea
TAITAIFONO

Susuga PAPALII Lio F T Masipau
SUI USUFONO

Afioga AFOAFOUVALE John Moors
SUI TAITAIFONO

Tofa TAPUAI Toese Ah Sam
SUI USUFONO

Tofa LENATAI Victor Faafoi Tamapua
SUI USUFONO

Tofa LEFAU Harry Schuster
SUI USUFONO

Afioga LAFATELE Patrick Leiataualesa
SUI USUFONO